

**UNIVERZITET U SARAJEVU –**  
**MAŠINSKI FAKULTET**  
**Vilsonovo šetalište 9, 71 000 Sarajevo**  
**website: [www.mef.unsa.ba](http://www.mef.unsa.ba)**  
**T:+387(0)33 729 800 F:+387(0)33 653 055**

Na osnovu člana 71. Zakona o visokom obrazovanju ("*Službene novine Kantona Sarajevo*", br. 36/22), člana 20a. Zakona o radu ("*Službene novine Federacije BiH*", broj: 26/16, 89/18 i 44/22), Jedinstvenog pravilnika o radu Univerziteta u Sarajevu, Pravilnika o unutrašnjoj organizaciji i sistematizaciji radnih mjesta Mašinskog fakulteta Univerziteta u Sarajevu, Uredbe o postupku prijema u radni odnos u javnom sektoru na teritoriji Kantona Sarajevo ("*Službene novine Kantona Sarajevo*", broj: 19/21 i 10/22), Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo („*Službene novine Kantona Sarajevo*“, broj: 37/20 i 27/21), a u vezi sa Odlukom Vlade Kantona Sarajevo o davanju saglasnosti za popunu radnih mjesta na organizacionim jedinicama Univerziteta u Sarajevu (broj: 02-04-34577-4/23 od 03.08.2023.godine) i Odlukom o potrebi zapošljavanja i prijema radnika u radni odnos broj: 06-VL-2316/23 od 30.08.2023. godine, Univerzitet u Sarajevu-Mašinski fakultet raspisuje

**JAVNI OGLAS**  
**za prijem u radni odnos na neodređeno vrijeme**

**Naziv radnog mjesta:**

- *Samostalni viši laborant*, jedan izvršilac na neodređeno vrijeme, u punom radnom vremenu.

Opis poslova radnog mjesta *Samostalni viši laborant*:

- organizuje i koordinira rad odgovarajuće/ih laboratorije/a,
- učestvuje u planiranju eksperimenata i radi na stvaranju potrebnih uslova za izvođenje eksperimenata i pružanju odgovarajućih usluga,
- vodi brigu o ispravnosti laboratorijskih i nastavnih pomagala za koje je zadužen,
- vrši mjerenja i analizira podatke,
- učestvuje u izvođenju praktične nastave i vježbi,
- učestvuje u saradnji sa privredom,
- sarađuje i pomaže kod eksperimentalnog dijela diplomskih, završnih i doktorskih radova,
- učestvuje u eksperimentalnom dijelu naučnoistraživačkog rada,
- vodi nadzor o zaštiti na radu, higijenskim i protupožarnim uslovima laboratorija,
- obavlja i druge poslove po nalogu šefa odsjeka/katedre ili nastavnika čiji naučnonastavni i naučnoistraživački rad se obavlja kroz tu/te laboratoriju/e.

Pored općih zakonskih uslova propisanih Zakonom o radu ("*Službene novine Federacije BiH*", br. 26/16, 89/18 i 44/22), kandidat koji konkuriše za radno mjesto *Samostalni viši laborant* treba da ispunjava i posebne uslove za radno mjesto:

Stručna sprema:

VSS/300 ECTS

Diplomirani inženjer mašinstva ili Magistar mašinstva – diplomirani inženjer mašinstva, završen drugi ciklus studija na mašinskom fakultetu - smjer Proizvodne tehnologije, automatizacija i robotika ili smjer Mehatronika u mašinstvu i završen prvi ciklus studija na mašinskom fakultetu

Radno iskustvo:

Dvije godine radnog iskustva na istim ili sličnim poslovima

Dodatna specifična znanja:

Poznavanje rada na računaru

Probni rad:

u trajanju od 6 (šest) mjeseci

**Mjesto obavljanja rada:** Univerzitet u Sarajevu - Mašinski fakultet, Vilsonovo šetalište 9, 71000 Sarajevo.

**Iznos osnovne neto plaće:** u skladu sa Kolektivnim ugovorom za djelatnost visokog obrazovanja i nauke na Univerzitetu u Sarajevu

- za radno mjesto *Samostalni viši laborant* (1386 KM).

**Radno vrijeme:** 40 sati sedmično.

**Obavezna dokumentacija koju dostavljaju kandidati za prijavu na javni oglas je:**

- Svojeručno potpisana prijava na Javni oglas sa kontakt podacima (adresa, broj kontakt telefona i e-mail adresa), sa tačnom naznakom pozicije/radnog mjesta, te popis dokumentacije koju kandidat prilaže uz prijavu na konkurs na koju se kandidat prijavljuje (obavezno upisati naziv radnog mjesta i na kovrti);
- Biografija (CV);
- Uvjerenje o državljanstvu (ne starije od šest mjeseci od dana izdavanja od strane nadležnog organa);
- Izvod iz matične knjige rođenih;
- Diploma/e o stečenoj stručnoj spremi;
- Dokaz o radnom iskustvu na istim ili sličnim poslovima (potvrda poslodavca kod kojeg je kandidat radio ili radi, sa naznakom poslova koje je obavljao ili drugi dokaz iz kojeg se vidi koje je poslove kandidat obavljao – ugovor o radu i slično);
- Potvrda/Uvjerenje o radnom stažu izdato od nadležnog organa za vođenje podataka o radnom stažu;
- Potvrda/Uvjerenje ili drugi dokaz o poznavanju rada na računaru (kao dokaz kandidat može priložiti da je u okviru redovnog/vanrednog školovanja položio predmet/e koji obuhvataju poznavanje rada na računaru).

Navedena obavezna dokumentacija se dostavlja u originalu ili ovjerenoj fotokopiji. Ovjerene fotokopije dokumenata nemaju ograničen rok važenja, pod uslovom da ni dokumenti čije su fotokopije ovjerene nemaju naznačen (preciziran) rok važenja.

**Dodatna dokumentacija koju su obavezni dostaviti kandidati, koji ostvaruju prednost pri zapošljavanju u skladu sa posebnim propisom (detalji navedeni pod "Napomena"), za prijavu na javni oglas je:**

- Prijava prebivališta/boravišta u Kantonu Sarajevo, ne starija od datuma objavljivanja ovog Javnog oglasa;
- Potvrda o nezaposlenosti JU „Službe za zapošljavanje Kantona Sarajevo“, ne starija od datuma objavljivanja ovog Javnog oglasa ili dokaz da je kandidat zaposlen sa nižom stručnom spremom od one koju posjeduje (potvrda poslodavca kod kojeg kandidat radi, sa obaveznom naznakom o stručnoj spremi sa kojom obavlja navedene poslove; ne starija od datuma objavljivanja ovog Javnog oglasa) ili dokaz da je zaposlen na određeno vrijeme (potvrda poslodavca kod kojeg kandidat radi, sa obaveznom naznakom da je zaposlen na određeno vrijeme; ne starija od datuma objavljivanja ovog Javnog oglasa);
- Dokaz o statusu korisnika prava u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo. Dokumenti koji se dostavljaju kao dokaz sadržani su u tabeli koja je sastavni dio Javnog oglasa.

Navedena dodatna dokumentacija se dostavlja u originalu ili ovjerenoj fotokopiji. Ovjerene fotokopije dokumenata nemaju ograničen rok važenja, pod uslovom da ni dokumenti čije su fotokopije ovjerene nemaju naznačen (preciziran) rok važenja.

**NAPOMENA:**

- Na prijavi je obavezno naznačiti adresu, kontakt telefon i e-mail.
- O datumu, vremenu i mjestu provođenja pismenog, usmenog i praktičnog ispita, kandidati će biti obaviješteni putem internet stranice Univerziteta u Sarajevu - Mašinski fakultet ([www.mef.unsa.ba](http://www.mef.unsa.ba)), u izborniku/odjeljku "Obavještenja", nakon zatvaranja Javnog oglasa. U skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11), imena kandidata se ne objavljuju.
- O konačnim rezultatima javnog oglasa svi prijavljeni kandidati bit će pismeno obaviješteni u roku od pet dana od dana donošenja odluke o prijemu u radni odnos.

- Nepotpune, neblagovremene i neuredne prijave (prijave koje sadrže neovjerene fotokopije tražene dokumentacije), kao i prijave kandidata koji ne ispunjavaju uslove javnog oglasa neće se uzeti u razmatranje. Nepotpunim prijavama smatraće se i one prijave u kojima nisu navedeni adresa i kontakt telefon.
- Sa kandidatima kojima prijava bude potpuna i blagovremena provest će se postupak izbora, koji se zasniva na razmatranju dostavljene dokumentacije i provođenju pismenog, usmenog i praktičnog ispita.
- Kandidati čija dokumentacija nije ispravna će biti obaviješteni pismenim putem da nisu na spisku kandidata među kojima se provodi izborni postupak sa navođenjem razloga neispravnosti dokumentacije, uz mogućnost uvida u dostavljenu dokumentaciju.
- Ako kandidat ne pristupi pismenom i/ili usmenom i/ili praktičnom ispitu smatrat će se da je odustao od daljnje procedure.
- Poslovnik o radu Komisije za provođenje postupka prijema u radni odnos objavit će se na internet stranici Univerziteta u Sarajevu – Mašinski fakultet [www.mef.unsa.ba](http://www.mef.unsa.ba)
- Prilikom zapošljavanja prednost imaju lica sukladno Zakonu o dopunskim pravima boraca - branitelja BiH ("Službene novine Kantona Sarajevo", broj: 45/12, 26/14, 46/17, 18/19, 20/20, 24/20 i 31/22), odnosno Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21), Uredbi o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21 i 10/22) i Instrukcijom o bližoj primjeni kriterija vrednovanja prema Uredbi o jedinstvenim kriterijima ("Službene novine Kantona Sarajevo", broj: 38/20 i 28/21), koja se dokazuje odgovarajućim dokumentima (potvrda, rješenje, uvjerenje i slično) koji se prilažu prilikom prijave na Javni oglas, pozivajući se na poseban propis po kojem imaju prednost.
- Kandidati, da bi ostvarili prioritet pri zapošljavanju, u skladu sa naprijed navedenim trebaju:
  - 1) da imaju prebivalište/boravište u Kantonu Sarajevo i
  - 2) da se nalaze na evidenciji JU „Služba za zapošljavanje Kantona Sarajevo“ ili su zaposleni na određeno vrijeme ili su zaposleni sa nižom stručnom spremom od one koju posjeduju što dokazuju potvrdom poslodavca (navedeno u dijelu teksta javnog oglasa koji se odnosi na dokumentaciju koju dostavlja kandidat koji ostvaruje prednost pri zapošljavanju).
- Kandidat koji bude izabran, dužan je dostaviti Uvjerenje o zdravstvenoj sposobnosti (ne starije od šest mjeseci) i uvjerenje da se protiv istog ne vodi krivični postupak (ne starije od šest mjeseci).

Vrednovanje kandidata na koje se odnosi Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo vrši se na način da se na ukupan broj ostvarenih bodova nakon usmenog, pismenog i praktičnog dijela ispita dodaje postotak od istih i to za:

- a) dijete šehida, poginulog, umrlog, nestalog branioca bez oba roditelja 50%;
- b) lice u statusu člana porodice šehida/poginulih, umrlih i nestalih branioca, pri čemu djeca imaju prednost 35%;
- c) lice u statusu ratnog vojnog invalida i to do X grupe 27,5% + 0,3% za svaku narednu grupu invalidnosti do I grupe 27,5% – 30,2%;
- d) lice u statusu demobiliziranog branitelja za jednu godinu učešća 23,5% + 0,1% za svaki mjesec učešća u Oružanim snagama 23,5% - 27,1%;
- e) dijete ratnog vojnog invalida od X grupe 20,5% + 0,3% za svaku narednu grupu invalidnosti do I grupe 20,5% - 23,2%;
- f) dijete demobiliziranog branitelja sa jednom godinom učešća u Oružanim snagama 16,4% + 0,1% za svaki mjesec učešća u Oružanim snagama 16,4% - 20%;
- g) lice u statusu dobitnika ratnog priznanja i odlikovanja dobija dodatno 10%;
- h) dijete dobitnika ratnog priznanja i odlikovanja dobija dodatno 5%;
- i) lice u statusu organizatora otpora sa učešćem od 18.09.1991. do 15.10.1991. godine dodatno 3%;
- j) lice u statusu organizatora otpora, veterana sa veteran sa učešćem od 15.10.1991. do 15.04.1992. godine dodatno po 0,3% po mjesecu u datom periodu 0,3% - 1,8%;
- k) lice u statusu maloljetni branitelj dobija dodatno 2%;
- l) dijete umrlog demobiliziranog branitelja i ratnog vojnog invalida dodatno 1%;
- m) supruga ratnog vojnog invalida od X do VII grupe 1%, od VI do III grupe 2%, od II do I grupe 3%.

**Popis dokumentacije kojom se dokazuje status korisnika prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo**

Redni broj:	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	<ul style="list-style-type: none"> <li>- Uvjerenje o statusu djeteta šehida- poginulog, umrlog i nestalog branioca</li> <li>- Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i</li> <li>- Uvjerenje o učešću u Oružanim snagama za šehida-poginulog, umrlog i nestalog branioca</li> </ul>	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioци	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje (o statusu bračnog druga ratnog vojnog invalida, odnosno pripadnosti boračkoj populaciji - dokaz o statusu korisnika prava)	Općinska služba za boračko-invalidsku zaštitu.

**OBAVJEŠTENJE ZA KANDIDATE:**

Pitanja, lista propisa i literature iz oblasti iz koje će se polagati pismeni, usmeni i praktični ispit mogu se preuzeti na protokolu Opšte službe Univerziteta u Sarajevu - Mašinski fakultet, Vilsonovo šetalište 9, odnosno na internet stranici Univerziteta u Sarajevu - Mašinski fakultet ([www.mef.unsa.ba](http://www.mef.unsa.ba)), u izborniku/odjeljku "Obavještenja".

Prijave sa dokazima o ispunjavanju uslova predviđenih Javnim oglasom dostavljaju se neposredno na protokol Opšte Službe (prvi sprat) Univerziteta u Sarajevu - Mašinski fakultet u periodu od 8:00 do 14:30 sati ili putem pošte (preporučeno), u zatvorenoj koverti sa naznakom, "NE OTVARAJ - PRIJAVA NA JAVNI OGLAS" i nazivom radnog mjesta na koje se kandidat prijavljuje, na adresu: *Univerzitet u Sarajevu - Mašinski fakultet, Vilsonovo šetalište 9, 71000 Sarajevo.*

Javni oglas ostaje otvoren 10 (deset) dana od dana objave u dnevnim novinama.

Telefon kontakt osobe zadužene za davanja dodatnih obavještenja:

Sekretar Univerziteta u Sarajevu-Mašinski fakultet, Amel Kasapović, dipl. pravnik: 033/729-806.

Broj: 06-VL-2683/23

Sarajevo, 27.09.2023. godine